

დადგენილება #ე.პ. 0518-22
გაფრთხილების სახით ადმინისტრაციული სახდელის
დადების შესახებ

თბილისი

23 ივნისი 2022

1. დადგენილების გამომტანი ორგანო (თანამდებობის პირი):

ადმინისტრაციული სამართალდარღვევის საქმის განმხილველი კომისია, კომისიის თავმჯდომარე ნინელი ბოჭორიშვილი

2. საქმის განხილვის თარიღი: 2022 წლის 23 ივნისი

3. ცნობები პირის შესახებ, რომლის მიმართ განიხილება საქმე:

ამხანაგობა „თავთუხი“

მდებარე, იურიდიული მისამართი: ქ. ქუთაისი, ბარათაშვილის ქუჩა #48

საიდენტიფიკაციო კოდი #212926164

ფაქტობრივი ადგილსამყოფელი: ქ. ქუთაისი, ბარათაშვილის ქუჩა #48

4. საქმის განხილვისას დადგინდა შემდეგი გარემოებები:

2022 წლის 17 ივნისს, ქალაქ ქუთაისში, ბარათაშვილის ქუჩა #48, რეგისტრირებული აბონენტის ამხანაგობა „თავთუხი“-ს (აბონენტის №1220022900) აღრიცხვის კვანძის შემოწმებისას, აღმოჩნდა, რომ აბონენტის მრიცხველზე დამაგრებული იყო მოწყობილობა (მაგნიტი), რომლის ზემოქმედებითაც ხდებოდა მთვლელი მექანიზმის გაჩერება, შესაბამისად მრიცხველი არ აღრიცხავდა მოხმარებულ ელ.ენერგიას. აღნიშნული ქმედება, წარმოადგენს სამართალდარღვევას, რაზედაც შედგა სამართალდარღვევის ოქმი ას №009551. ამხანაგობა „თავთუხი“-ს მიმართ 2022 წლის 17 ივნისს შედგენილ ადმინისტრაციული სამართალდარღვევის №009551 ოქმს ხელი მოაწერა ობიექტის

სს „ენერგო-პრო ჯორჯია“

წარმომადგენელმა მზია ბენდელიანმა, რომელსაც იქვე გადაეცა ადმინისტრაციული სამართალდარღვევის ოქმი. მან ოქმში, ახსნა-განმარტების გრაფაში, აღიარა სამართალდარღვევის ჩადენის ფაქტი.

ამხანაგობა თავთუხის მიერ ელ.ენერჯის დატაცება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2022 წლის 22 ივნისს ელექტრონულად გამოგზავნილი ინფორმაციით. საქმეში, ასევე, წარმოდგენილია 17.06.2022 წლის №A956995 აღრიცხვის კვანძის შემოწმება-მიღების აქტი, რომლითაც ასევე დასტურდება ამხანაგობა „თავთუხი“-ს მიერ ელ.ენერჯის დატაცება. ფაქტია, რომ ელ.ენერჯის დატაცება მხოლოდ აბონენტის ინტერესში შედის. საქმეში დევს დადასტურება, რომ ამხანაგობა „თავთუხი“-ს ეცნობა საქმის განხილვის დროისა და ადგილის თაობაზე, თუმცა სხდომაზე ამხანაგობა „თავთუხი“-ს წარმომადგენელი არ გამოცხადდა. გამოუცხადებლობის საპატიო მიზეზებისა თუ სხდომის გადადების თაობაზე ამხანაგობა „თავთუხი“-ს წარმომადგენელს არანაირი განცხადებით კომისიისთვის არ მოუმართავს. ამდენად, კომისია უფლებამოსილია მისი დასწრების გარეშე განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; აბონენტის ბარათი; ამონაწერი სამეწარმეო რეესტრიდან; საქმის განხილვის დროისა და ადგილის თაობაზე ჩაბარების დადასტურება), რომელთა მეშვეობითაც დგინდება ამხანაგობა თავთუხის“ (ს/კ 212926164) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერჯის დატაცება. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის 12.08.10 #14 და 28.06.21 #19 დადგენილებით; ს/ს „ენერგო-პრო ჯორჯიას“ გენერალური დირექტორის 17.09.10 RU #2010009 წესით, სს ენერგო-პრო ჯორჯიას დირექტორთა საბჭოს თავმჯდომარის 26.01.2022 OR #2022001 ბრძანებით და

სს "ენერგო-პრო ჯორჯია"

დავადგინე:

6. ამხანაგობა „თავთუხი“ (ს/კ 212926164) ცნობილ იქნეს ადმინისტრაციულ სამართალდამრღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:
ნინელი ბოჭორიშვილი

